

弋陽縣志 卷十一

列女

賢惠 節孝 貞烈

自孟母垂徽於擇鄰教其子直紹尼山道德婦人



女子皆艷稱之此固原本道德非大儒之賢母莫與

嗣徽矣其以功名顯者如漢之王陵唐之董昌齡其

母皆能識廢興知順逆俾其子顯名於天下不幸

遭時不造流離顛沛如文節之母杜太夫人斯可悲

矣文節既就義不獲表諸墓道與瀧州並傳又未有

能采其嘉言懿行上諸太史氏者郡邑志僅附見文



節夫人傳末豈不重可悲哉然觀李氏謝氏母女皆  
從容就死不爲名高固文節刑于之化哉非其母之  
賢達能閑於有家不至此故今序次邑列女如冰如  
玉其諸聞文節之風而興起者與況於讀書知禮義  
爲孔孟之徒者哉

賢惠

宋

謝枋得妻李氏饒州安仁人也色美而慧通女訓諸書事  
舅姑奉祭待賓皆有禮枋得起兵守安仁兵敗走入閩中  
武萬戶以枋得豪傑恐其扇變購捕之根及其家人李氏  
攜二子匿貴溪山荆棘中採草木而食至元十四年冬信  
兵踪跡至山今日苟不獲李氏屠而墟李氏聞之曰豈可  
以我故累人吾出事塞矣遂就俘明年徙囚建康或指李  
言曰明當没入矣李聞之撫二子淒然而泣左右曰雖没  
人將不失爲官人妻何泣也李曰吾豈可嫁二夫耶顧二  
子曰若幸生還善事吾姑吾不得終養矣是夕解裙帶自  
經獄中死枋得母桂氏尤賢達自枋得通播婦與孫幽遠  
方處之泰然無一怨語人問之曰義所當然也人稱爲賢



母云通志

按文節弟君烈君澤三姪二女一婢皆死建康獄中  
豈明時修志名氏遂已無考與抑有不必以名氏著  
者與為歛歆者久之

國朝

舒良興妻李氏生子三無何夫亡仲季復早歿惟長子暢  
獨存暢自為之傳曰暢自幼就傅三載質極魯未能周四  
子書乃廢業務農圃當盛暑時於田歸輒鼻衄不止仆地  
幾絕母大慟曰是未亡人之罪也乃謂暢曰爾能力學吾  
耐饑寒以教汝暢俯首不敢言母乃曲諭曰憶吾歸汝家  
時丁亥戊子歲游饑村煙縷絕吾夫婦磨麵食省升斗之  
餘以給鄉黨之窮疾無告者汝父囑曰幸毋云得之我家  
恐求者衆吾力不能徧給也然後來者亦無不量有所與  
此汝父之隱德從不敢以告人吾亦以此微末未足云惠  
也然而居心則無愧仁者矣汝果奮志吾度紡績力足以  
備俸錢供食用汝其勉之庶幾光父志乎暢悚然泣謝曰  
兒不肖敢不惟命是聽於是棄繻績事詩書銳志并力越  
三冬稍通文義訓蒙餬口母因勞瘁太過多病甲寅兵變

列女 賢惠



暢子身負母冒風雨走匿山谷中萬方救治竟以疾終暢後亦得軟脚病五六載始起復發憤舉子業見知於郡守

孫公世昌入郡庠食餼

舊志

聞喜丞邵雲臺妻汪氏閒靜貞一其治家寂不聞聲而眾務井然臺署篆諸善政多氏所釀定生三子愈忠等孫會滿前終日肅侍惟教以行善濟人爲務年八十餘卒

郡前志

徐曰聰妻舒氏淳安丞光憲母夫故時家徒壁立勤紡績以教其子子後爲丞署開化篆氏頻手書教督之迎養不

許日無以家口累汝壽九十七無疾而終

前志

趙文耀妻張氏名淑貞孝廉之俊祖母也于歸特耀數米而炊氏操作與同甘苦得始婢歡心治家有條理漸次豐

饒性好施與卒年九十有五

舊志

邑庠舒振遠妻花氏秉性貞淑不苟言笑事翁姑以孝開振遠性好施濟氏常解簪珥以助之且通經史識道理子

孫服其家訓

舊志

通判徐可久妻洪氏簡檢家務無夫子貽權用得肆力於學事姑老而彌篤居喪哀毀骨立課子必至雞鳴年九十猶勤女紅恩貢余士龍母陳氏事翁姑以孝御童僕以慈



年亦九十餘卒

舊志

江濟妻陳氏年十六歸濟鄰里貧不能舉火者助夫周恤

之濟卒閻範愈嚴教二子成名壽七十餘歲

舊志

王日新妻鄭氏家貧忍餓事姑值歲荒夫傭作度活適姑

患病思得鮮肉氏倉皇無措操利刀將左股割下氣幾絕

須臾復甦烹湯食姑病猶未起越四日又將股下剩肉割

以食之姑獲痊延壽十年

舊志

張世璿妻歐陽氏性貞靜溫柔慈惠事舅姑飲饌必親處

如媿以和夫死子幼延師課讀教以近端人親正士母即

信淫以母道而兼師道父乏嗣迎養終老及歿送葬益勤

紡績積金砌墓立碑置田以供祭祀族隣有生子女貧不

欲舉脫簪珥代為覓乳者不可枚舉自奉儉樸稍贏餘即

以周貧乏卒年五十有三



貞女 李氏年十九而寡無子撫甥舒貴芳立姪木爲  
 子享年九十餘累受封誥臺使表其門日節義  
 志  
 元 汪野妻方氏年十九歸野踰年野病卒舅姑哀其無子欲  
 嫁之方覺乃冒風雨廼族長於堂告舅姑曰夫死已矣乞  
 爲家老婢以卒此志孀居五十餘年鄉里皆高其節  
 志  
 明 列女 節孝

節孝

宋

宋 朱應琦妻夏氏年十九而寡無子撫甥舒貴芳立姪木爲

子享年九十餘累受封誥臺使表其門日節義

志

元

元 汪野妻方氏年十九歸野踰年野病卒舅姑哀其無子欲

嫁之方覺乃冒風雨廼族長於堂告舅姑曰夫死已矣乞

爲家老婢以卒此志孀居五十餘年鄉里皆高其節

志

明

明 列女 節孝



蘇榮妻蔣氏名善真鉛山人年二十八而寡撫遺孤教以小學文公家禮或勸之曰亡者無萬錢可乎蔣曰事死如

生之謂何敢以為戲乎孤恪遵母命後旌表如例通志

黃澄瀾妻李氏少卿奎之妹也年二十一夫死氏號慕頌

絕不茹鹽茗者五十載子二琮纔二齡琮尚襁褓氏勤紡

績以供衣服子稍長令琮理家務琮讀書擢科取仕援例

旌表監察御史溥澄瀾從弟也徵名筆大書貞節字扁於

堂表其墓曰貞墓劉鉉記

九則女李氏適貴溪邱銳年十八銳沒李瘞銳習儒不遂

矢不再適攜從子鴻育母家以繼銳嗣時父亦無嗣乃為

父求後會有謀奪父產者嫉之李挾一子一婢持刀自衛

竟得立父後享年八十孀居六十年父與夫兩姓宗祧賴

以不墜邱九似為之傳前志

方智妻鄭氏才有德家窳甚以百錢買麻縫紉致富夫

病自炙艾於面以分其痛既而夫卒喪祭盡哀嘉靖間巡

按吳扁獎之舊志

鄒欽妻鄭氏二十四而娶撫孤奉親三十年備嘗艱苦舊志

陳諾妻姜氏廉察鳴峯之女也年二十二夫亡守節享年



八十邑令徐浦獎之舊志

汪裔妻姚氏年十六適裔甫二年裔遊瘋毒醫云須用人

血調藥氏刺血和藥傅治以舌吮癰願以身代夫死年纔

十八典賣營葬舅姑憐其年少無子勸令他適氏剪髮去

飾坐卧小樓懸夫遺像引刀割臂誓志不二姑疾嘗藥承

唾旦夕不寐立夫弟子為子課業如嚴師及遊痒而氏始

卒享年九十餘邑令聞於按院韓浚題請建坊舊志

劉鳳鳴妻葉氏年二十一夫卒真年高有足疾隱君子也

哭子屬纊畢慰之曰吾不忍以兩弱孫累少婦婦焚香誓

天曰所不與劉氏終始者有如暈日緝績杵臼奉舅及繼

姑課子不使預米鹽零雜事壽七十五舊志

邵氏名玉貞年十七適樂平許穆卿甫期許以遠館暴卒

訃至邵路地殞絕家人多方救之始甦姑恐歸之母家時

遺孤甫三月玉貞剪髮居小樓終身不御酒肉始染危疾

玉貞歸籲天求代姑獲安守節五十三年萬歷申建坊旌

表舊志

按女子內夫家外父母家故已嫁他邑而以貞烈著者例不紀於父母之家前志七屬多互見者今悉為



釐正至嫁於外郡者恐或本邑志遺載故仍存之以備採擇識此發凡

劉廷材妻吳氏孝子世佐之母也氏早年喪夫家貧甚舅姑強之改適氏引刀破額攻苦紡績以博衣食世佐長教之讀書通經義悲母苦節劬勞閉戶養志氏年九十七無疾而終縣令孫具申兩院建坊旌表

舊志

陳應奎妻李氏名長玉鉛山人幼熟列女傳年十六歸陳生子滋甫一週而奎卒氏方二十矢以死殉姑寢食相隨

不得間迺剪髮盟志會祖姑徐病氏且晚籲天願以身代幸愈及法出就傅夜必篝燈授讀紡績以伴之未幾遊郡

庠食餼壬午大比母疾甚法不忍就試母呼至榻前曰我忍死待汝無以待湯藥為孝也法去後聞母病篤狼狽而

歸血淚交下母執法袖而已不能言矣卒年六十餘

舊志

黃觀妻李氏年二十守節有司聞於朝未報而卒

郡前志

廩生周之德妻徐氏性嚴肅處私室無笑容姑病危氏奉侍湯藥四十日未嘗解衣庶姑生一子半歲失母徐撫育

備至年二十七而夫喪守節撫孤延師教督三子一孫俱餼於庠享年八十餘邑令王獎之

舊志



何龍圖妻鄧氏生子洛而龍圖卒家貧拮据撫子養姑歷三十餘年巡按給以粟帛後題旌會亂不果行

通志

國朝

汪希懋妻程氏年二十夫卒撫鞠二子口授經書治家有條理首完賦次賑族又次儲家食族黨欽之

前志

文學汪嘉錫妻王氏粵西督學王廩女母以癘疾垂危月餘絕食歸省額天願以身代割左臂肉烹湯進之甫入口而少甦七日病除邑令杜獎之曰孝可回天

前志

李士賢妻黃氏年十八夫亡甘貧守節父勸改適斷指自誓撫子成立終始如一

前志

岸生陳燔妻李氏年二十燔死子穉而貧姑勸他適拔刀自誓備紡績以哺子常數日不能舉火七十而卒

前志

邵國瑛妻魯氏年十八夫故持刀截耳以示不二教二子

以義方四十而長子死親督家務除自食外悉以濟族人

之不能舉火者居常男女別席尊卑異器坐不徙倚食不

吐藥動止一遵禮法教孫女非女紅不得入目課孫男非

經史不得及及姻黨目爲女中嚴師

前志

舉人詹華生妻畢氏華生以計偕北上卒於塗氏年方少



矢志靡他家遭兵燹四壁蕭然苦守二十餘年卒前志

陳其攷妻花氏歸未三旬而夫故族人勸改適不從跪夫

靈前哀哭淚盡繼以血忍耐饑寒者五十餘年無疾而終

前志

張秋芳妻舒氏年二十二夫故懷妊五月氏茹淡食舊日

夜辟績以育子守節三十年而歿前志

潘應忠妻胡氏明儀賓朝列大夫獻球之孫女生子甫週

夫故適遭兵燹有勸之再適者氏抱子痛哭以死自誓治

絨線勤紡績撫子成立享壽八十而終縣令匾獎之前志

徐可達妻王氏方如穀妻趙氏李大紳妻方氏湯夢伊繼

妻李氏皆青年矢志撫其幼孤教養成立徐日新妻花氏

守節多歷年所前志

胡一鵬妻黃氏年二十一鵬疾危氏甫生子未離蓐草奉

夫湯藥姑老昏瞶日飲以乳及四十而貧益甚姑媳孀居

日餐糜粥以延歲月年逾六十卒前志

姚元學妻陳氏生三子而學卒寡姑洪與二室劉依陳為

命朝夕扶持食旨必甘家貧窘甚寧自餒以奉二姑教三

子皆成名縣令李匾獎之前志



廩生汪媚妻洪氏媚屢困棘闈發憤讀書以療疾死氏躡踊路地踣告舅姑曰乞廣夫穴可容一棺於右立石書合葬之墓是夕闔戶自經家人覺之得不死自是獨處斗室未嘗出門限其弟計奪厥志氏攜利刃截髮委地誓之而去里族合辭公舉氏固止之前志

吳崇才妻周氏年二十一守節家貧墾地種植營生卒年

七十有九郡前志

拔貢艾陵妻黃氏州同榜孫女事姑甚孝陵肄業太學滿歸以疾卒氏絕粒誓死親族苦勸乃已庶出一子方在呱

泣鞠有一如己出前志

汪棗妻陳氏年二十一夫故守節五十餘年跬步惟謹言笑不見其齒身值翁姑大喪如禮訓子有法家之亞族伯

叔咸敬憚焉前志

周某妻楊氏治家有則生二子一女而夫卒矢志操守茹

苦如飴女適工部郎中鄭日奎子焯煜俱有文譽前志

繆時俊妻萬氏年二十生男日明甫一齡而夫歿紡績以

教其子氏偶病日明禱於神匝日哭拜淚盡繼以血雙蹠皆癰行年五十猶向孀慈前作嬰兒泣族黨謂不愧其母



云前  
志

方從樞妻裴氏十九于歸生三子而樞遠倅滇南卒於任  
伯叔命之再適氏抱長子大璋哭訣欲投於崖族黨僉慰  
安之撫兩幼子成立年七十五卒

前志

李宗黜妻方氏宗黜館浙地舅姑相繼歿氏手營喪殯祭  
奠各盡禮及宗黜聞變歸路地稽顙日賴有吾妻得少追  
不孝之罪服除宗黜客死於蘭溪氏迎喪道左哀感路人  
守節二十四年而卒備諸荼苦子駿聲歲貢

前志

周某妻余氏年二十九而夫死誓死不嫁毀粧蓬垢康熙  
十三年寇變氏避亂竄峯間闕勞瘁至九月歸歿故廬年  
七十有八殯殮無資鄰翁以布帛贖之

前志

舒世爵妻童氏世爵少孤貧依叔母爲生氏確遵婦道屢  
產不育以紡績所積金資其夫納妾妾金氏方娠三月世  
爵死童氏呼天哀號朝夕禱家廟祈生男以繼夫後及期  
生子華寧保護備至愛妾如女至七十餘不衰邑令王獎  
之

前志

李宏綱妻陳氏二十五而發撫子明發娶婦陳氏明發年  
三十五疾卒陳氏三十孀居奉姑嫡至孝育子鼎新娶應



氏生子編貞纒十齡而鼎新又歿應氏亦年三十默念二

老在堂三世僅一子矢誠堅守奉養無違勤紡績以供子

膏火臨貞英年入泮能承歡膝下曾祖母九十無恙祖母

七十有二母亦五旬貞學節壽蓋相繼一堂云前志

范永翰妻畢氏貴溪舉人應龍孫女也生二子年二十六

夫故家貧守志老耄猶勤女紅享年九十四親見五代衣

冠父乏嗣迎養終老及歿送葬畢山置田供祀凡屬祖墓

俱為立碑人謂女翁子云前志

郡庠汪宣妻舒氏年二十八而發生子彰甫二齡甲寅

災燹攜子女逃匿山中艱苦竹簞及烽烟四息歸故宅增

屋頽燬拮据安輯即命子負笈從師後由歲貢任新建縣

訓導卒年八十有七前志

童應魁妻牛氏年二十七而夫亡遺二子俱幼孤苦伶仃

適遭閩變流離轉徙矢志不移訓子啟鵬食飯至中年而

二子并逝姑媳孀居淒風苦雨忍饑耐寒訓諸孫獲列明

經遊泮水壽八十七而終邑令林獎之前志

李林芳妾席氏年十七懷孕九月而林芳卒生遺腹子躬

勤紡績以供朝夕茹素斷葷誓不二天且兩遭兵燹髡髮



跌足以免汚辱壽八十五而終

前志

方大章妻曹氏高安司訓瑛嫡母事姑相夫克盡婦道瑛雖庶愛如己出夫卒課督益嚴孀居二十年內外兼理不

墜家聲人謂才德俱優云

前志

余昌言妻汪氏名迓娣父傳舟故與昌言父錫齡友善錫齡為名諸生從遊常數十人中年遽卒而昌言抱癩疾手足殘廢朝不謀夕惟與老母寡弟痛哭相對無復迎娶迓

意迓娣微聞之乃請於父母曰余氏子貧病交迫如此

娶不歸是無人理也父母使人致命昌言力阻之而迓娣

已偕母氏造門執婦禮朝薪夕汲湯藥扶持艱辛萬狀錫

齡諸弟子聞之曰吾等服膺師訓今昌言貧病無能周卹

吾乃不女子若因先後踵至昌言家以白金贈迓娣辭曰

妾安敢虛蒙大德諸弟子又固以請曰尙有先人之季子

昌元在諸君子誼篤師門俾得受室嗣續妾感激死且不

朽諸弟子曰吾淺之為丈夫也後昌元娶妻舉子三迓娣

視如己子年三十有七先夫卒

陳仁撰傳

按婦人以節為重然無夫而節可能也有夫而節不  
可能也傳中不稱汪氏而曰迓娣猶之女而未婦也



其却贈金爲夫弟受室雖聖賢無以過之嗚呼難矣

哉

葉之軫妻周氏年二十五夫亡痛不欲生念二孤幼穉誓於靈前務教養成立報夫萬一生平冰霜勵志至老不渝族鄰申報

旌表

前志

呂思明妻范氏年少守志子生員成錦其妻王氏成錦身故氏確守冰操與姑范氏一門兩寡乾隆四年姑媳雙

旌建坊於東門城外

前志

劉其燁妻游氏年十七歸燁二十而夫故越二月生子望衡耐貧守志四十餘年撫孤成立其姆舒氏劉其燁妻也年十四歸燁二十一而寡父哀其早孀諭令他適堅志不從斷指自誓父亦憐之娣姒共勤紡績供菽水以奉舅姑劉氏五世同居游與舒並力治內寬嚴有節邑侯孫匾曰冰節雙輝

前志

廩生方新妻江氏年二十六夫亡誓相從地下親屬勸慰念姑老子幼徒死無益勉治喪事厝夫宅旁以麻裙裹石捧土白砌墳塋事姑孝養喪葬拮据盡禮稱貸親友娶婦



為宗嗣計未幾婦歿更娶前後遺欠交逼以值年荒子懦  
自分無活理幸夫故門徒周給之邑令趙獎曰姜操繼美  
藥金聲妻舒氏名長英奉姑撫孤清操苦節前後邑令咸

匾獎之

前志

方倬妻黃氏年十九歸倬育二男俱幼倬故期與偕亡因  
姑老子幼矢志孝養遇姑病親侍湯藥衣不解帶平居坐  
言除諸姪外雖三尺童不得由其戶邑侯學憲交獎之

前志

陳舜言妻鄭氏名周容年二十九夫亡父私擇壻強之改  
適氏正色拒之曰女嫁二夫父亦豈有面目耶所慮者窶  
困耳吾寧餓死決不為失節婦父啣之氏女自給其食

為衣拾青粟作粉助餐春熬酒廢糟和粥鄰里憫之有醜  
飯者分飼幼子父雖悔而憫之繼母隨沮之斯誠為苦節

云前志

曹茂元妻陳氏名玉真年二十五而寡生一子辛勤撫養  
能力田矣又中歿乃與三孫相依為命備歷艱苦冰操一

節前志

郡庠楊大炤妻李氏邑庠鄭有光妻吳氏邑庠陳鵬萬妻  
萬氏秀英藥方來妻劉氏吳之昶妻李氏吳士驥妻畢氏



趙之偉妻江氏徐士珩妻楊氏趙希琪妻吳氏周紹武妻

吳氏俱青年矢志教養孤兒不墜其宗前志

庠生王言繼妻江氏言前娶程氏生二子氏年二十四而

寡封髮撤簪勤操家政撫二子婚教一如己出既而二子

及媳相繼歿氏痛哭幾絕育孫鶴齡督使力學邑令盧生

逆獎之前志

庠生周廷英妻羅氏長姪年二十四夫沒家貧如洗撫孤

子元旺依父母存活每臘終攜子歸除夕祭奠父兄憐其

守志給以紡績之資積有成數延師教子娶婦生孫庭百

漸有起色前志

汪其棫妻方氏事繼姑以孝聞徐瑄琳妻葉氏邑庠生方

廷瑞妻李氏秀英邑庠生方瑜妻葉氏五英皆夫亡無子

撫姪承祧教養盡瘁繼子依之無異所生前志

劉二為妻徐氏二十五夫亡泣血仆地昏迷逾時夢夫囑

勿傷孕產必男善為我育之月餘果生子矢志撫孤庚子

閩變有勸氏督夫攜子者氏厲聲曰天既全我人安能辱

我邑令趙獎之又陳鶴鳴妻吳氏守節逾六十猶勤女工

鄉黨奉為女師前志



席尙桂妻胡氏年十八于歸閨十一月孀守生一子弱質

多病姑徐諭曰此兒難必長成不如早計他適胡泣曰此

出姑意乎抑伯氏意乎倘伯意姑勸令無然如家多飼一

犬足矣遂耐貧紡績任勞受苦撫子抱孫年踰六旬卒前志

潘世德妻周氏伏英方能宏妻周氏李應銓妻黃氏廖自

莊妻江氏皆早寡身姑年老矢志奉養以代子職稱未亡

人數十年如一日能宏妻尤好行其德前志

吳懋亨妻汪氏坤貞年二十九亨卒生子文能甫三歲父

母慮難終志勸之再醮氏泣曰有遺孤在撫之成立庶可

慰亡人於地下耳遂將產誓付伯氏抱子依及長歸是

師擇配愛而且嚴其子亦色養備至人以為苦節之報前志

黃大用妻萬氏十六適黃逾年生子甫一齡夫逝撫孤自

矢皓首全節乾隆丙辰建坊

旌表前志

徐志遠妻周氏年二十九夫亡遺腹四月氏初以死相從

念遺腹在躬宗嗣所繫遂自髡發勉治殯葬哀毀骨立生

一子孤苦伶仃氏百計圖維忍饑奉姑艱辛育子蓬門草

戶間操作鍼紉晝夜不輟歷七十年如一日又胡友雲妻



潘氏年二十七而寡有子三翁姑憐其少艾諷令他適氏

號泣願早偕重泉因紡績度歲歷三十餘年藥執信妻胡

氏信早故氏撒瑱封髮誓死靡他家雖貧茹荼如齋年六

十四如一日

前志

生員張琮妻倪氏年二十四生子甫週而夫歿誓相從地

下娣姪勸之曰汝死孤將誰託遂封髮撒瑱鏡意貞守一

日姑慮氏弗終厥志危言以勸之曰守節非易事與其中

道而變易若早自裁乎氏默然不應歸房引錐自損其睛

深至寸餘姑碎見乃曰余姑試汝汝果堅貞若此吾兒為

不死矣因眇一目及姑得廢步氏朝夕扶掖事奉惟謹

十餘年衣裙白素如新寡有司以聞奉 部准獎給清標

彤管扁額

前志

江元妻金氏生子甫週元卒時年十九母憐其少屢勸故

適氏號泣呼天矢死靡他年六十而卒

前志

生員吳存仁妻趙氏年二十三守節奉 部給清標彤管

扁額獎之又吳呈鸞妻汪氏年二十四守節見年六十有

三有司詳請

旌獎



黃旭卿妻陳氏少年夫故事姑克孝深知大義捐田立祭  
郡守興造鍾靈橋氏捐百金爲倡他如本處橋梁道路無  
不樂爲捐助享壽八十有四其子大學生黃尙志早世無  
嗣門祚衰薄族鄰哀而公舉

州同謝大紳妻畢氏性純明幼讀書識字年十七歸大紳  
大紳肄業太學授州同卒於京氏年二十五子簡甫四齡  
氏聞訃呼號欲絕諸姑以撫孤勸止氏勤紡績嚴課讀守  
節以終子簡由明經授職乾隆十八年詳請

旌獎

舒運禮妻張氏年二十一守節家貧拾野菜充饑鵝衣百  
結晏如也或諷以他適引剪自毀耳鼻遇夫生忌辰雖乞  
食必哭泣奠之終身不替卒年八十有洞

邑庠舒業薦妻葉氏年二十四夫故室如懸磬矢志冰霜  
撫孤兒以成立丁卯歲大水氏方溺時有援之以手者氏  
拒之投之以竿方起年七十而卒

葉次年妻譚氏年十九夫故每節歷四十年陳文遠妻張  
氏年二十二守節卒年六十有九  
生員周京妻畢氏方娠京患痢疾一夕病篤而氏適臨產



京之妾孟氏密令家人調護產母不令知旋以隻身侍京是夕京卒而畢氏亦適生兒氏撫兒泣曰父知之喜否孟氏忍淚給曰喜甚越日孟氏知事終不能秘從答語畢曰母幸得子良人死可瞑目遽以實告畢氏痛不欲生顧謂孟氏曰汝當撫孤吾當相從地下於是一號而絕孟氏殯殮重喪哀禮兼盡時孟年二十二抱孤泣曰嫡死夫我撫孤敢辭其難乎乃閉戶紡績婚教成立艱苦備嘗人以畢孟氏一死一立孤有嬰與杵臼之風焉

翁周佐妻盧氏年二十四夫故有二子次子因夫病劇難以兼顧頗給劉姓家貧僅遺田三畝氏慨然曰未亡人所不死者存夫後也田與子孰重輕今不讓次子所無以見良人地下遂盡鬻其田贖之家愈貧節愈厲卒年七十有三

邑庠葉符妻方氏年二十二夫故氏絕而復甦戚屬勸慰勉起治喪矢志守節撫姪之材爲嗣有聲庠序氏性憐貧有餘卽以周族黨卒年七十二

庠生方燦升妻楊氏年二十二夫亡無子一慟幾絕誓以身殉念其夫以孤子承祧世父繼姑楊氏孀居苦節本生



尊嫜無他可依倚以一身事三老人竭誠盡慎無一不懽  
於志撫堂姪竣爲夫後延師訓課不事姑息年七十二而  
卒

詹善長妻姚氏夫亡遺腹生一子矢志自守備極艱苦見  
年七十有七

徐步宣妻羅氏年十七夫亡立猶子紹德爲嗣矢志守節  
二十餘年喪其子又二十餘年喪其孫親操井臼艱辛萬  
狀行路聞之無不欷泣見年七十有八

畢正發妻吳氏年二十三夫故家貧遠行事居備極艱苦  
見年七十有四

周冕妻范氏郡庠生誕女年十六歸冕冕父情亦諸生禮  
法嚴整氏能孝養恪守內則得其歡心年二十六夫故氏  
飲冰茹蘗矢志撫孤延師課讀守節四十餘年卒成夫志  
現年六十有七



...

...

...

...

...

貞烈

宋

謝氏葵英枋得女適安仁通判周銓為妻早寡無子聞母

李死於獄父死於燕闔戶盡節遂盡鬻奩貲以造橋橋成

投水死鄉人嘉之名其橋為孝烈至今存焉明胡儼詩父

死家亡母自經可憐形影獨娉婷奩金散盡橋初就旅櫬

無歸泪輒零自分寒流沉白壁誰來夜月見輜駟一門三

節人間少安得奪碑與勒銘舊志

元



鄭琪妻羅氏名妙安幼聰慧能暗誦列女傳年二十歸琪  
琪家世宦族同居百餘口羅氏執婦道無間言琪以軍功  
擢銘山州判羅氏封宜人至正二十年信州陷羅氏度弋  
陽去州不遠必不免於難取所佩刀淬礪令銛甚琪問何  
爲對曰時事如此萬一遇難爲自全計耳已而兵至羅氏  
自刎死時年二十九

元史

明

李元順妻虞氏正德壬申姚源賊剽掠旁境元順挈家以  
逃賊勢迫虞度難免拔簪遺夫曰吾分死矣子爲全母計

耳尋被執且哭且罵賊怒殺之

舊志

謝氏名霜姑嫁德興萬登正德癸酉姚源賊熾登先以事  
入京謝之兄弟力請歸爲避賊計謝曰姑老夫遠出吾偷  
生可乎遂扶姑避於寨賊攻寨急謝與訣曰賊所利爾金  
帛耳新婦無金以自贖奈受辱何遂投崖死登之從弟川  
亦扶其母避寨中寨破賊以刃擬其母周急趨抱母號曰  
寧殺我賊并害之距謝之死纔日中也少宰汪偉爲作孝

節傳

舊志

儒士鄒調元妻陳氏名桂英元克教孝友病卒桂英大恸



嘔血誓與同穴密造殮衣延至次年迎母默訣託子於叔  
絕水漿三日暇母飲叔家即鍵戶自殮以繩繫喉而亡時  
年二十七邑令孫親弔詳院題請建坊同夫合葬於南巖

寺前舊志

國朝

邵生范冠羣妻葉氏戊子六月寇掠其家牽馬上馬不  
從即磔殺之劈其尸為四死三日蠅蚋遠跡同族揚明之

妻鄭氏亦於是日自刎舊志

邵世科儒業不就專司矢以馬蹶墮深崖卒妻程氏招妹

年二十無所依歸樂平母家族弁程德化謀獻營于氏知

之乳子令飽以利刀自刎而死舊志

庠生葉春藻妻馮氏妾熊氏與夫同殉寇難妾余氏撫孤

以節著旋哀毀卒詳見春藻本傳四節堂記

李念八妻陳氏康熙十四年六月賊兵入山焚劫為賊所

掠誓死不從賊脅之去行三里許氏罵不絕口遂為所殺

花三十妻姚氏同時被害見子和仔傳舊志

尚元妻韓氏年二十一夫故生子甫週誓以死殉姻婭

勸勉稍進食飲乃叠遭慘禍子亦旋殤氏志遂決晨起微



謁舅姑囑幼叔善事父母午後天時炎熱姑欲浴氏敬奉  
湯沐已亦就浴霎時昏黑大雨驟至衆各收晒物氏遂登  
樓自縊家人驚聞解救不能復甦族隣咸來省視面貌如  
生髮絲不亂喪服整齊無恙墮淚者

弋陽縣志

卷十二

方外

仙釋 寺觀

方士類抗言老氏然太史公傳老子著其邑里名字  
于孫特詳而終斷之曰隱君子也非有奇詭隱幻之  
術明矣周時佛未入中國而列子書有西方聖人之  
稱或遂謂釋教始此唐宋君子所以辭而闢之者以  
其教方熾衛道不得不嚴自宋以來理學昌明雖昌  
黎氏復作亦不必人其人火其書廬其居矣且墨名  
而儒行者豈少其人哉志曰方外外之也固欲引而



內之耳

仙釋

漢

葛元字孝先丹陽句曲人也嘗從左慈授九丹五液之法  
修道於餘汗溪邊黃石山之古壇土人重其道德名其處  
曰葛溪又嘗煉丹於旁山上土人名之曰擣藥山道成晦  
跡往來三吳間每飲酒醉輒入水陂中臥竟日乃出獻帝  
建安五年吳大帝權據有江東雅重之時召見問道十五  
年權承制析餘汗地爲葛陽縣因葛溪名之也三吳名勝

多所遊歷土人每假公姓以名其山水今葛溪之旁及鷺

湖峯頂並有葛元冢蓋皆仙公蛻衣冠處也

前志

按前志載費長房查漢書方術傳長房汝南人葛陂

在今新蔡縣西北非弋陽之葛陂也然邑舊有長房

祠豈以葛陂之名偶同而好異者遂從而立祠歟或

曰蔚宗謂長房一日之間人見其在千里之外者數

處則茲地也或亦其履之所及未可知也

前志

東西二潭仙女姓胡氏父簡二歛之黃墩人貞觀間避亂  
居弋北之胡村生二女母妊時卽茹素產日異香滿室生



而異常女長誓不嫁歲旱父灌田赤日中二女持壺漿往飲之因謂日當以壺水相助父晒之二女以壺取溪水灌田田卽濡足父驚異二女歸濯澗下舅氏爲僧適遇之因叱之使起二女遂沒不見俄化雙白鶴飛去棲於後山之最深處時人異以爲仙僧尋自悔益於叢竹之間至今歲生一笋無旁枝人以爲金竹聖僧二潭常有雲氣覆其上相傳有龍居之旱禱輒應天師張正常人建國醮伏章飛神入天關見二女自稱家世告以出處日願寄尺書報胡氏我今爲水仙矣天師奏聞因贈簡二爲仙師賜長女名曰靖正封東潭得道青華洞虛元君次女名靖真封西潭得道素華洞靈元君今廟祠祈雨不絕

前志

五代

佛圖澄石晉咸康間常開山建立真如寺

宋

白衣大仙雲龍草堂記畧云大仙者五十三都程姓諱覺賢或稱三十公耕於雙溪坂左之金鎖壠每歲旱必減其水之半分溉他人田是歲旱益甚亦復如是旣而自視其田苗則稿矣歸見二老人於石崖上奕侍觀良久老人曰



胡不灌爾田對以流絕老人曰第往觀之田霑足矣已而果然更分之返見老人老人恚曰何不自固也曰人之愛苗猶夫我也老人因索角黍爲酬明日訪我小洋峯之蔀屋是已翁諾之及往未至一里適二白鳥馴擾其前赤喙長項高距翁不知爲鶴也意吾以角黍酬老人孰若二鳥將執之二鳥行益疾徐之二鳥復馴擾注目捕之不知身之已落萬仞岩矣遂蛻化時唐貞觀十四年事也明正德初皇后患目翁化道者往治之葛巾白衣以塵尾著杯水洒后目頃刻復明上問欲何官不應留其姓名里居乘風而去上大異之勅封護國白衣大仙立祠小洋峯上旱禱必應四境之民爭祝祀焉今其仙跡猶存卧石之刻程氏

子孫世寶之云

前志

羊腸鰕子和尙政和間二僧寄跡台山一喜食羊腸一喜食鰕子曰給於市不酬其值後市中兒詣寺索錢其師誚責之二僧曰還之易耳一吐羊腸於石一吐鰕子於潭鰕子復生羊腸亦鮮好如故迨今遺跡可徵遂以爲號云

府志

自清和尚居信州大山寺性疎狂屢被師責一日謂師曰弟子欲往京師見天子願假一乘師怒曰糞箕扛汝自清



卽成偈曰糞箕扛去輪擡回優鉢羅花向日開但願老僧  
休磕睡須聞大地一轟雷辭去忽一日乘傳歸勅重葺山

門賜號雲風和尚寺額大山寶壽

前志

藥夔鼎台山憶自清和尚詩 千載招提說大山自  
清高躅迤人間羊腸石上花重發鰕子潭中月再彎  
昔日紫衣辭鳳闕幾時飛錫面龍顏  
山河依舊圍龍界髣髴天香滿袖還

慧光號晦菴建寧人爲南嶽下烏巨道行禪師法嗣法語

見傳燈錄塔在龜峯寺後之畫壁峯下

府志

明

廣心號養菴上饒鄭氏子大學士文恪公族叔也居家以

孝友稱然早有出世之想遊楚黃禮翠岩祝髮南行至焦

山聞推船有省遂至蘇州謁華山默菴定定舉雲門六不

收公案勘之當下脫然遂承記荊歸住靈山中臺菴復入

雲棲叅蓮池宏明萬歷間開法於弋陽之明定寺冬期受

戒繙侶翕集尋遷鷺湖重脩峯頂禪院位下高足最著者

日博山大艤而智季則分燈於弋陽之嵩山云

前志

按養菴應詳鉛志饒則本其所生弋則爲智季志也

異僧益旨四十九都方氏子幼不茹葷長學出世法結茆

仙源塢單丁力食者二十餘年後依峯頂成性禪師祝髮



戒律精嚴歷叅博山諸名宿密有契證一日遍告緇侶曰  
將別矣向後慎勿用茶毘法衆不以爲意不數日積雪沍  
寒出村中別其知交受供而歸行至廣坂中遂坐脫雪沒  
至頂人不及知也霽後踪跡得之顏色明潤不異生時時  
爲崇正六年冬邑令齊蘭芳異之迎供城中數日傾城瞻  
禮號之日雪天禪師今原身猶供里之福慧菴府志

國朝

智季號次齋樂平程氏子禮雲谷菴泯喜祝髮後叅養菴  
心遂承印記順治甲申開創嵩山竟成叢席己丑受峯頂

請住持一載仍歸嵩山康熙癸亥十二月初三說偈云年  
登九十六生緣隨分足踏翻水底天好唱無生曲晏然而

化府志

本慈號惠周鉛山劉氏子年十八隨父出家叅嵩山次齋  
師授記荊康熙丁巳應嵩山請居方丈八載每冬結制操  
練學者嗣法者衆壬申十二月二十九日預書封龕法語  
云五十九年大座當軒今朝且退一步看取紅日中天舉  
火法語云火焰中藏身煙雲裏出手人天何處覓踪由翠  
柏蒼松獅子吼入塔法語云已自活埋了何勞起骨堆稜



稜無縫隙端不涉三災書畢趺跏而逝

志

常恢號浩然徽婺韓氏子年二十投嵩山次齋授具本師  
慧周委以大事重興饒州樂邑同寧寺住持六載康熙丙  
寅主嵩山法席十五載多所修建幼負出塵之志未嘗學  
問讀書詩詞皆從悟性中出南州張方贈詩云名利奔馳  
歎葛藤乘驂特地訪高僧拈花笑指無心法嵩嶺雲開弋

水澄

府志

智能號漢門襄陽王氏子七歲求出家父母不能阻謁妙  
光爲之雍染聽講楞嚴經聞聲解義順治癸巳謁顯聖惟

岑淨嶼結冬聞板聲有省入室忝扣岑徵詰再三應對無  
滯遂蒙印可既得旨分化駐錫西江樂龜峯之勝留居不  
去二十餘年其說法皆自胸中流出甲寅變起閩賊黃尙  
志擁衆據殿中一日衆方會食鐘忽自吼賊衆大驚徒階  
下三日吼不止四山響答聲益悲悽賊拔寨去咸謂道德  
所感云

前志

德玉號雪嵐錢塘孫氏子雍髮於鷲湖峯頂腰包裏笠遍  
歷浙閩江楚傳燈列刹之地後謁龜峯能禪一見契合服  
勤三載見燈火爆落忽覺舉體透快疑義了然入丈室白



師有禍機只因多口笑何妨醋肉更加酸之句言下即可  
前後開法康國禱亭真靜三道場錯錘緇白之衆不啻萬

指前志

一菴號淨徹年九歲祝髮嵩山本師松嶺深器之長以歸

命興復蕪溪蓮塘嶺乾隆戊辰延主嵩山席戒律精嚴友

人周充贈之詞有三拳打破痴迷膜闡揚臨濟宗風一棒

明昧胸復展曷陽妙諦云云著有心歌湯頌并嵩山

記及詩若干卷

前志

以勝號淨賢本邑葛氏子年十三祝髮圓通菴本嵩山

果嫡派乾隆乙丑延住嵩山衲子雲集爲人勤儉渾樸

無私積至建橋造亭鑿石平道則捐囊傾鉢無所吝焉

前志

### 寺觀

北山寺

在北隅宋宣和中相傳爲周氏捨宅建順治康熙

建府志

間僧來珍恒源相繼修葺甲寅燬於兵僧明修重

也然幽意不減深山中前環數池水澄碧遊者取徑其上

廣不數武野草短竹夾之涼影池中色光相得綠浸人衣

凡數折而寺寺在昔稱鉅麗矣劫火後改舊觀今門廡堂

室粗備耳然不金碧華亦不繩甕陋軒愆數散自然幽適

也於僧宜寺周遭蔽以木蒼挺翠流最爲冥鬱樹所罅竹

承之竹樹所不逮名花疎石點染之泊如也於寺宜僧亦

方外 寺觀



緒正復不減眺覽所及亦竟忘其為城市中客或舊遊及此者今反歎昔者鉅麗之徒繁也以是車馬勞人杖履取適亦足娛慰羈心矣

忠烈寺

在城中前中二堂皆崇佛像後有靜室任持僧秘請願善詩文前志

北極祖師殿

在西溪橋僧雲浪重修康熙十四年燬于兵二十二年僧妙高募建前志

真如寺

在治東里許晉咸康間建明洪武二十二年邑人徐永壽施田二百餘畝立徐氏香火祠於內通志

其後裔孫相繼葺修甲寅兵變寺幾廢雍正乙卯再糾族眾捐貲重建前志

文星塔寺

在縣治西南五里許天啓間知縣孫森造

萬壽菴

在宜和鄉廢于兵僧道樹募化重建府志

洪濟庵

在縣治西一里萬歷中僧慧庵建藥師壇兵燹庵廢康熙四十四年僧慧空與徒本燦浩能重建前

志

鉢龍庵

在縣西南一里許邑令陶耀捐建以護松沙港元之水府志 陶耀重築松沙堤并建鉢龍菴碑

記予承乏此土以來目先師學宮城隍神居以及諸神廟宇皆鞠為茂草而衙署傾圮幾於露處橋梁倒塌病涉不前余一切整新之庶幾神人孔安有那其居矣然余猶鯁鯁以憂所繫重而厥力維艱者無若松沙堤之役也蓋水之所自來者遠自玉峯之址合靈山以達葛源迤邐至城北台注西溪橋下堤之使東不震不騰蜿蜒澗抱城而遊風氣彌固當爾之時民用和同冠蓋輩望何其盛也自明季堤坊大壞水乘虛西決地氣被蕩灌漑失時兵燹游交荆棘滿目巽序之內宿輿輟響又何衰也夫水之行地猶營衛之周流乎一身抱體則生苟發越而旁注非病即殆理之固然無足疑者詢之紳儒及黨正更老僉曰是役也不可後而余猶鯁鯁以憂事不經久不可以慮始力不蓄豫不可以行遠明末王君萬祚嘗踵築以障水而基薄土疎水激而上行故堤遂壞沒無存用是首為捐俸合僚



屬及募助外花材鳩工擇里中耆民誠懇者司其出入絕不假借胥役計伐古松五百株採鑿巨石貳萬餘塊隄長二百餘丈高六尺濶四丈工料費用共錢一千餘緡自庚戌年四月至辛亥正月堤工告成如崇墉如堅壁渟澄安瀾還若觀千春兩旁悉為栽柳以防水囓又費二百餘金建菴五楹計三進顏曰鉢龍俾僧居之使掌視其堤焉嗚呼水之決而西也幾何年矣莫不以是役歸功于人而孰知朝廷之休養生息涵濡至今與夫各上臺之布德流膏地脈來復余所以幸而乘其後以有成也若夫億萬載而遙念典廢無常民力之不易時謹視之以無忘斯績也是在後之君子矣

尤奇巖寺

在縣東四里許與南巖不遠形如牛鼻遊人皆從鼻入岩其內空洞可容百餘人俗以牛鼻呼之邑人汪夢尹更之曰尤奇巖前志

萬聖庵

在縣北三里許花亭子後前志

蔣口寺

在縣北十里永年鄉久廢僧雲清重建前志

觀音閣

在招賢鄉縣治東一里嘉靖時道人吳廣緣募建其地據東山之勝溪流弋字正當其前康熙間僧

海源重修

邑令陶耀記邑治左有東山焉為四衢孔道山不甚高雖當車轆馬跡間孤靈挺秀幽絕可愛登其上四面青螺相拱林立若俯若仰者應接不暇南望峯巒縹緲空翠欲飛則龜峯也眺其下碧流蕩漾從而稍折涯有巨石成點大類弋字是名弋江即葛溪也明世宗時相傳

大士顯相

於此道人吳廣緣募為之祠已而弋之人起殿鑄像顏之曰觀音閣有禱輒應劫灰之餘廟宇傾圮金像

荷苔余觸目

傷心思一新之而不可得上人海源欲繼廣絲之勝舉為疏以詣余首為捐助通告諸檀不一年而廟宇輝煌金像莊肅更於閣之南復起三楹為關帝廟塑像

供之兩旁

則僧寮厨舍校前更增廣五六間布置悉當余公餘清暇每日愁止但聞禽語風篁自相酬答時而皓月一輪清香一炷嵐影波光無色可尋無相可着笑以語上人曰此即大士真面目又豈復有顯相處乎上人亦為

方外寺觀



然工竣之日上人復語余曰是山居邑之震方堪輿家謂為邑之前案凡年歲之豐凶人物之榮瘁繫焉今幸大士庇得以有成其利賴也宏矣謀所以示後者余憬然日後之視今亦猶今之視昔廣緣去今百餘歲復得海源更百年後復誰賴乎即命工鑄之

石以俟後之繼海源而起者

龜峯寺

在玉亭鄉唐乾寧間僧茂蟾開山宋釋慧光建化後塔於本山明末圯

國朝初釋慧能修通志

陳至言記信之弋陽南去二十有五里有山如龜南北望之則羣峯叢映斂焉如一東西觀之則兩山對峙南從鏡而獨立北憑陵而臂引睨其背則橫亘峭峭如堅壁固壘冠首有拂而其前則攢巒復嶺蟬聯星錯轟轟疑疑更相朝捧其將至也四視環合若無從而造焉既而榮崖繚岫斗折以入環以羣山而峯之得名者有二一峯曰石唇能吐納雲氣以占雨暘其中峯曰石龜唐乾寧中僧茂蟾作寺其下名曰靈勝至宋真宗改曰瑞相太子少保趙公持龍圖閣學士韓公元吉皆嘗賦詩丞相陳公康伯請於朝更曰顯親崇福寺今復名瑞相其寺僧有得於其學

瓊光應重仁事載傳燈錄其有道而居是山者曰晦菴光

雲菴慶曹原生山堂淳柏庭永孤雲權其由此出至名利

者徑山蒙菴聰雪峯螺菴肇觀其人則知其足以為茲山

重也國朝廷祐五年禪師從正至是山明年有鬱攸之變

逾十年規制悉復舊觀又三年以老求退薦禪師德學自

代八年之間法席大盛至元五年燬於火曰此殆天數豈

不聞成在壞空復幸諸好施者鳩工掄材雄麗倍於他日

於是使其徒行觀來京師屬余為之記今國家崇尚釋氏

崇塘峻宇遍於京邑大者縣官作之嗟乎勞民力而求福

田豈佛之心哉觀夫瑞相之興獨因其州里之有餘貲者

相與成之則正學二師之行乎於其人可知已抑其山川之勝足以致其徒坦坦施施而來趨焉則繼傳燈而見於紀錄者將相望而出余故攷昔人記其地形而述其顛末使并刻之 鄭大雅詩龜峯三十二峯峯競孤峭森壁得歸雲高崖觸飛鳥杉檜疑高秋雲雨鬱冥與石鱗走龍蟠雲巒蹲虎豹松濤引靈籟蘿月失全照莓泉洗石詩山僧坐溪篠萬象呈幽奇石山扼樞要何當陟高頂一領象峯妙 李觀詩去縣二十里路平時正春四山唯有石一方外 寺觀



寺更無塵融結疑天意經營憶古人但知安樂事何必是前身  
 劉臨孫詩峭壁疑無地青蒼匪一天戶開花徑入藤倒石根牽  
 松浪補泉響山雲帶鳥還與僧分夏後應妬磬聲先  
 費宏詩梵宮奇絕隔溪濱怪石峻嶒繞洞門雕琢頗憐真  
 宰苦往來疑有異人存鶴依華表隨靈馭犬竊遺丹守近村  
 初到便應忘甲子却嫌鐘鼓報晨昏李夢陽詩弋溪縣南山下  
 寺三十二峯羅列奇最愛紫氣生石鼎絕憐晴嶂削靈芝峭崖  
 幽壑還人世古往今來自髣髴已遣野場維玉騎合留崖月照  
 金卮江上龜峯天下稀挈朋貪賞夜忘歸冠裳他日思丹壑車馬  
 平明發翠微歸路竹籬偏拂幘出山雲氣故隨衣杳然一笑憐踪  
 跡自不投簪願執達鄭日奎詩靈掌何年劈此溪芙蓉秀削覺天  
 低石翻碧浪苔為界僧在丹崖雲作梯幾處斷嵐遮古雪半峯飛  
 雨隔長霓少陵若使當年遇旅食何緣至漢西南巖寺在東鄉  
 去縣治五里唐太和間比丘神曜增修宋嘉定間王元長建殿門  
 堂庶鐘樓及架橋之亭後圮元至正間僧嗣正修明崇正間重脩  
 邑人范有韜題額曰自然天地康熙五年僧圓修增修通志鄭大雅  
 詩南

崖巖之隱僅許山雲屯壁字二十餘剝落不肯存空王石穴鏡磬沉  
 雲根夜月侵松徑秋雨洗苔痕中有隱君子棲此同鹿門煙霞借  
 揮斥山水恣評論終身厭聞達千載託孤騫咄嗟後世士役役曠產  
 樊胎笑千山靈不如鶴與猿鄭日奎詩莓苔繡壁穿空翠下有幽人  
 棲隱處鴻漸天外已冥冥肯向人間留姓字谷口白雲澹華峯洞中  
 人去何年歸只餘風葉翻奇響猶似曩人長嘯時

慧濟寺

在萬全鄉順治初釋智季建邑令劉臨孫顏日嵩山禪林庶常鄭日奎亦贈以天雲水月之額山

有十景曰山靈啓運仙石留踪枯松復秀靈芝呈祥孟峯夕照錫山晴嵐赤嶺雪霽古洞秋聲壽祿重鱗佛耳甘泉題咏者甚多鄭日奎詩十里溪聲五里山數椽古剎堯松間老僧掃地非為客待有白雲時往還陶耀古洞秋聲咏盡日香臺萬籟沉時聞林木奏清音因聲領畧無聲妙木落山空太古心釋本定孟峯夕照一從虞嶺托將回惹得天花滿石臺何事白雲頻遠榻為緣飼慣老龍來釋一菴錫山晴嵐神僧卓錫去無踪杖挂斜陽幻作峯

方外 寺觀



曙色晴霏嵐靄翠山頭望斷白雲空 釋智季赤嶺雪霽  
遠眺峯頭一片霞近觀渾是赤泥沙經行雨足成朱履映  
奪羣巒色另佳 謝家樹詩訪勝來幽徑濃陰濕綠苔松  
濤翻古剎竹影覆禪臺拾級慈雲擁登峯法雨催紅塵飛  
不到圖書

自天開

吉巖寺 在邑南二十五里新政鄉爲宋一公聖者坐化之  
地後有僧法震於此鑿石爲佛座其徒辦成建塔

巖下并構佛殿元季燬於兵明永樂中邑令王尙珮延  
鉛山僧德清重建有池日聖塘邑早必往禱焉通志

雙巖寺 在玉亭鄉順治十五年僧成苾重修前志

獅山寺 離城十里許建炎間建兵燹後僧六淨重修前志

梅樹菴 在縣東十里傳爲古剎水石環澗松竹茂密爲一  
善醫會防營患疫投劑輒愈活百餘人邑令陶耀贈額縣  
丞韓國球爲置飯僧田和預知逝期急索國球爲菴記泐

之石工畢而遊府志 王應魁詩山境無多折衝寒偶此  
行峯迴小閣見溪轉 橋橫問偈梅無語排雲竹有聲憑

茲幽興熟香  
茗足餘清

慈願寺 在五十四都朗山嗣法嵩山髻生蓮卓錫之所山  
有八景紫微應跡印石凌雲雙溪捧鉢星塘印月

文峯插漢獅踞雄峯仙石迎賢泉流香積徒隱拙實法拱  
旭榮輝徒孫煥文旭堂青照嗣是惟德鶴肩慧超雲堂性

葦一燈薪傳康熙己丑燬于火煥文與合山衆等協力重  
新乾隆戊午鶴周詣京都彌陀寺謁道雲禪師乞 莊親

王請經己未歲六月初一日啓奏十六日奉

旨 欽賜藏經着邑令盧生蓮齎送至山 莊親王匾曰敬修

堂制臺宗室德匾曰開道人天聖符魯匾曰轉大法輪經  
筵尚書汪贈以聯曰虛閣流清磬高僧演法華前志 鄭

日奎星塘映月瑤臺百尺在誰邊只此池中有一圓莫訝  
燈虛今墜地從來定水自涵天 陶耀印石凌雲榮若圖  
書不露文何煩硃墨點煙雲秦碑漢鼎應同古祖道全堤

方外 寺觀



一問津 釋鶴周紫應微跡山光時帶慶雲浮靈境從來  
 事跡幽寄語遊人心細領莫將花鳥羨風流 薛巖起雙  
 池捧鉢雲展空虛光射嵐悠悠雙池至今寒殷勤尚識當  
 年意庾嶺持歸擲此間 陶耀仙石迎賢聞道望夫還是  
 石爭如此石只迎賢王賓未結緇衣好美盡東南讓我先  
 釋鶴周泉流香積石髓寒流歲月長洞源清碧自殊方

山花不負分滋潤  
 日瀉雲厨萬斛香

芳綠寺

在五十都康熙二十五年明山法嗣榮  
 輝建徒孫性慧與徒有化等重加恢擴

船山般若禪寺

在七陽永平鄉順治戊戌里民程啓斌延  
 嵩山法嗣常悅居之啓斌依悅為僧重構

大殿

蓮塘寺

在縣西十里九川北繞大溪東連黃石形如屏几  
 寺創於晉興於唐盛於宋明洪武間僧文智重修

永樂間其徒敬善增建寺故西向正統間僧永鑑改南李  
 奎為之記府憲 李奎蓮塘寺夜宿唱和詩序景泰四年

癸酉冬十一月二十二日欽差都御史姑蘇韓公雍巡撫

至弋考察宣布之餘以予有同官同朝之舊便道過訪時

凍雨迷途天色昏暝及抵家秉燭以坐率爾具設核備觴

酌劇談痛飲勸酬無算酒酣索筆賦詩留別予借兄行簡

亦辱貽詩意良厚也是夜二鼓送別蓮塘假宿寺中公恍

然曰人生別多會少今夕之會信不易得必細論衷曲達

且而後已乃命僕具觴再酌取唐人僧寺詩二首各和其

韻詩成酒徹雞三唱矣已而天色向曙旭日東升復送篠

簪郵亭期以後會厥副憲山陰韓公賜西蜀陳公价僉憲

古莒姚公鵬括蒼金公愷溧水楊公剛古柘朱公海大參

餘姚柴公蘭金華陳公珪太守四明姚公堂相繼訪臨多

和其韻嗚呼予與諸公久篤斯文契好今一旦會於久別  
 之餘欣慰之情見於賦咏况都憲公朝之大臣國之柱石  
 受委托之重分蒞江右與革舉刺便宜處置挈一方安於  
 無事之域憲副僉憲諸君子俱以雄才與學激持振勵大  
 參郡守復以偉度雅操承流宣化共成治功千載一時風  
 雲會合良不偶也然蓮塘僻處縣西不見重於世久矣茲  
 門生黃溥暨予子玘珏姪孫日良輩俱讀書其中發身科



第叨官朝宁迨予休致於家凡名卿碩輔藩憲郡邑便道過訪者必駐節茲寺登臨眺覽以舒陰嘯之懷寺因之顯又况前後諸作雄音麗采照耀川崖使荒山小寺增光價於無窮歷千百世而有賴何幸也耶寺僧欲刻詩於石請序其首予深慶是寺遭逢之幸謹為之序云 韓雍蓮塘夜宿詩官道千山迴禪宮一徑幽故人遠相送邀我試同遊野照隨明滅川雲任去留老僧惟面壁不解利名愁招提薄暮至夾道樹重重枝綴青猿菓巢深白鶴松因開禪語秘頭使宦情慵清絕題詩處山深雪滿峯 李奎和前韻禪房多雅趣入夜更清幽共喜聯鐘至應同秉燭遊老懷欣築穎壯志慕封留談笑忘情處能消萬斛愁 川迴村路僻山暝暮煙重犬吠階前月猿號屋外松才高誇俊逸年邁愧疎慵恍入匡廬境雲連五老峯 鄭大雅詩一寺踞嶺雲作屋櫺戶牆垣仍借竹壽藤老樹碧煙屯小鷺營家長子孫一聲清磬千山動螿龍病鶴驚殘夢竹籟無端帶月生夜深欲與梵分清眾僧倚牀看天小山尖月自心杳杳 鄭日奎蓮塘寺記蓮塘寺無塘也平楚中突起一孤峯耳高數十丈廣可百丈許巔有寺不知何代建

也登以眺遠莫際焉迺僧反不欲以是湯人思環寺悉植竹木蔽之於是老樹翳雲修篁限日而遊屐至者眺聽不他給惟在松濤竹韻中在晨嵐夕靄中在四時花香草色四時蟲鳥聲中益流連不能去也或曰會心處正不在遠然信

金圭寺

在二十九都離城四十里高峯逶迤十五里至頂三台聳秀峭壁凌霄一眺鄱湖了然在目寺久廢

康熙十一年僧資吉募化重建府志

聖僧精舍

在四十一都離城七十里漢白鶴仙人煉丹之所其嵐岫懸空橫垂俯矚形若蓮花別枝分朶

左右鐘鼓前後磬鏡下有峻巖深八十畝其奧處有碧水澄然一日三潮非有道骨者不能入昔謝疊山有詩不傳

今建精舍於外府志

開寶寺

在永平鄉縣北五十里邑令顧丁璪序畧云道通徽饒山接齊雲舊有寶相寺創於宋嘉定中係錢

方外 寺觀



氏香火院右有古刹日開明觀創自元至正中係江氏香火院歷久荒廢寶相監院淨德延僧漱雪任持廣其基合併為一更名開寶不廢舊各兩存之府志

白石寺 在招賢鄉宋元祐間建通志 楊野詩老衲忘機雪滿巔每逢佳客便欣然我來暫借蒲團坐閒看旗幡不問禪

台山寺 在萬全鄉始於唐盛於宋紹興間勅賜大山寶壽寺歲久傾圮雍正庚戌任持慈朗人稱德僧與其徒三祇重建前志

東禪寺 在歸仁鄉去縣治九十里創於唐久廢 國朝康熙二十一年僧奇峯募建知縣譚瑄為記通志

龍門巖寺 在縣治水南七里許麻鞋石余葉之山也釋上一門若神禹當年所鑿者因名其巖而居之初皆荆棘蔽室為虎豹之穴既而芟去蕪穢諸美畢呈遂成叢席邑令

王公匾曰飛 禹跡前志 舒振遠詩勝地取幽偏徐行遵蘚徑岩穿谷復迴不憚攀危磴何人學虛空深廣雅相稱魏哉糾殿開杳杳聆清磬崖竇鶴初翻雲根僧乍定棲鳥一時唳響答聲和應入山不厭深雲臥愜幽與歸路轉

留連倏覺羣峯暝 黃鴻閣詩寺古由來僻山名不是仙花分法乳潤錫杖石 樑懸磴削鹿無跡壑深龍有淵漫將高臥計甘直抱珠潛 舒暢詩流光悲過客幽思托名山相與攜朋往悠然並鳥還層巔龍共嘯曲洞石為關風雨軒窗過冷

冷非世間 明定寺 在玉亭鄉僧佛機建前志

烏石寺 在十一都上有鳥形映日下有龜石朝斗之景前志

杉門寺 在孝誠鄉去仙湖潭二十里許有亭當山之缺循仄徑以入松杉夾道宋嘉祐中建明季傾圮康熙

十年僧聖顯重建前志



清泉寺 在縣北三十里永平鄉有笑崑清泉古刹康熙十

六年僧林舒西堂居此復興邑令顏丁璪匾曰馨

香梵貝通志 謝璣詩躡徑到清泉禪

關綿翠草山僧入定深露滴松花老

金田寺 在縣北四十里永年鄉謝源宋建 國朝因之生

員謝功寧偕族人捐造 孝廉謝家樹記古來名

山勝刹雖釋氏所居究因吾儒而始重也如朱子之講學

南巖陸子之會講鷺湖僧寺因與俱傳豈必如昌黎所謂

廬其居哉吾里謝源有所謂金田寺者不知始於何代殆

以舍衛給孤長者倒布黃金買祇陀太子園建精舍為諸

佛所居之地而金田因以名焉前代屢圯屢脩數遷其地

而名終不改必有不可泯滅者存矣先大理評事君舉公

與從兄君直公同事宋朝遭家不造君直公闔門死節竟

以宗祀委諸君舉公一人當此之時舉家離喪公何忍獨

生以苟全性命耶其如兄之鈞命何由是抱譜牒祭器走

北源之大麓流離困苦無家可歸乃遁跡於金田僧舍嘗

作詩有從此密林休欲卻莫教人復見衣冠之句迨至有

明成化間先憲副理齋公昆季讀書靜室亦每加修葺其

後相繼宦遊二十餘年寂寞荒涼之狀幾成階面晚風吹

蔓草佛頭春雨長苔花矣可勝悼哉嘉靖丁酉乳源令胤

泉公先族捐金建造微嫌舊址僻處山隈形勝迫隘且形

家言謂不利眾僧遂遷於數百步外松梢萬丈薜蘿連理

覺別有一天地且營構加多於前功矣而仍顏以金田蓋

不忘君舉公留寓之意也至 國朝初我曾祖定侯公於

兵燹灰燼之餘以復建為任借族人之好義者建佛殿廻

廊塑三寶羅漢伽藍諸佛像且捐助糧田三十畝以為齋

僧供佛之具雍正年間北泉石泉二公一建前殿一翼後

堂而金田又煥然改觀矣嗟嗟滄桑易變古跡難磨昔賢

過化之區至今猶令人追慕者正不少也時乾隆壬戌之

秋七月既望余偕客遊金田任持僧請予文記之僧欲鐫

諸石以垂久更以質之

我季父審齋先生前志

穎蓮寺 在二十五都明天啓間僧如寶建

康熙年間任持定文重新前志

福慧寺

王志福會菴在縣北五十里異僧益旨

肉身供於中僧開寶杰義重建前志



清福寺

在六十一都史坂傾圮多年  
朗山法嗣元慧重建前志

寶巖寺

在二十都唐大中間建任  
持僧明見明心重建前志

華藏菴

在歸仁鄉蓮花峯下佛殿禪堂方丈厨庫左右翼  
以鐘鼓二樓後建普同塔順治時僧海亮修復邑

令劉臨孫顏曰

華藏禪林前志

吳山寺

在縣北三十里宋景德中建明  
御史方仁讀書處久廢前志

增山院

在縣東二十五里康熙庚辰僧志堅募建中  
有雲雷菴及茶亭臨川徐長儀為記前志

南臺寺

寶峯創自漢久廢基存僧真實重  
建康熙間行僧法海募新之前志

壺臺山寺

在二十  
都前志

石龍寺

在三十八都距  
縣四十里前志

宴望觀音寺

在十三都祝家洋禮部尙書  
汪俊母祝太夫人建前志

淨蓮菴

康熙元年里人吳良貴助上  
下山場基地僧六淨建前志

惠安寺

在三十七都方塔瑛捐聊寺基暨山塘為先  
人香火之資僧祐宗與徒德泰同建前志

淨土菴

在縣治西二十里即真  
淨禪院僧曉然建前志

水口廟

在十三都武石潭上  
汪姓香火院前志

瑋琥巖寺

在縣治東建於宋明時重修尋  
圯順治間僧從際重建前志

報恩寺

在永年鄉宋方疇建造祀其先人明嘉靖間寺廢  
基產入官裔孫壽泰出貲上庫仍復批給邵氏祀

外祖并及  
其先府志

東衝廟

縣西十五里宋都尉姚存濟遇黃鶴仙人得道成  
神祀此嘗顯靈和州助陣平寇勅封忠靖侯裔孫



震虞等重  
建前志

鰲石寺

據桃花灘上游下有巖洞寬廣為漁舟棲泊之所甲寅寇至里人潛匿其中全活甚眾前志

西巖報恩寺

在縣北四十里原係古刹崇正間僧慧聞募建國朝順治初薌溪鄭日奎族叔微生祝

髮於此鄭嘗讀書其中既第額曰彷彿西來雍正間僧起予廣輝重修邑令孫龍竹匾曰點雪禪機前志

靈峯寺

在縣北永年鄉僧雨峯騰同徒慈舟徒孫聖安創建前志

蓮花菴

在縣南鄉高湖坪開山僧常規募建徒嗣法朗山拱旭重造顏曰天湖寺今住持靄雲前志

圓通菴

在三十六都崇正間僧性靈建康熙庚子僧彌杲重建法嗣以勝佛幢重加修葺邑令周延壽盧生

蓮皆有匾前志明經張鳳鳴有無盡燈記釋林以宗教相禪日傳燈內典有言日月燈明佛區區一炬直與日月

爭光是何了義日月無盡也燈亦無盡也梵宮刹宇懸照留璃寧僅高足之徒竭誠供奉已哉正欲登斯堂者慧燈

長炳泥洹不變虛空圓光猶如琉璃火之傳也異薪神之傳也異形如是而已弋南四十里近建圓通菴朽壤抽泉

素沙布地此境儼為佛設上人如慧卓錫斯地悠然有會遂克翔淨土因太士智慧觀照圓通無碍之義名菴圓通

爾時檀信敬感佛殿齋厨次第告成往來瞻仰者果因色空常一尋訪見竹松葱鬱淵泉湛寂經聲磬韻恍從縹緲

傳來及接道眾覺孤情絕照眼耳心舌之垢不煩盥滌又以檀施所助置田永供琉璃諸如接待十方頂禮供養悉

在一光普慧中宏哉此願直借十方檀那無始以來塵迷盡洗永登覺路傳燈無盡意在斯乎是為記

萃靈菴

在縣西北三十里嵩山僧以勝募建外造茶亭一區傭人給薪水酷暑勞人渴者輒飲之前志

萬全菴

在萬全鄉范氏建乾隆中嵩山以勝與徒佛幢遊寓於此造八角亭置民糧一斗七升零捐入此菴

永膳茶

費前志

觀音殿

在歸仁鄉曹溪汪姓香火前志



西陽山寺

在縣西北產茶最佳 鄭日奎記西山在弋之西北山勢巖崿從亘十數里土與石間之林壑初

無大異其名也以產茶寺居山之麓僧亦以種茶為業住持老稱鸞湖人也臘甚高好談前朝事客至無他供惟以茶啜茶次輒為客述明時弋之茶害也正德中寧藩勢張甚每歲春輒遣官校督茶芽凌轢官吏民苦之己卯逆藩敗弋患始去邑人汪少宰有庚辰春日飲茶詩意蓋指此而今幸矣無他慮矣因為誦汪公詩客皆色然喜欣然笑也更啜次僧復為客述明末鉛之茶害也信弋邑皆產茶初無絕佳者故不以供上用獨鉛邑有茶戶有茶課課額歲入觔耳不為民厲何時例忽起每歲清明課茶時除正供外自監司以下逮承尉皆有餽名日薦新實則本處所產不能應皆市之他郡以充之民歲費金以數十計已苦之矣何時例又變每歲課茶時除正供仍本邑外其他餽贈悉以銀代之於是民歲費金以百數十計茶戶或稱貸償或且鬻妻子償甚有自經溝瀆間者已而相率逃去則科之合邑之糧里費益不貲害益深矣邑人盛處士有汭川採茶歌意蓋指此而今不知何如也因朗誦盛子歌歌

未終客慘然不樂太息起輟衣而別

鄭日奎詩 在曲

盤盤山深寺易寒石巖陰欲雨松籟念如湍塵累何從到

羈心此暫寬老僧談舊事歡怨忽無端

泉山寺

在四十二都福泉山中奉徐公太仙或贊之日仙境從來異泉山更覺奇丹崖飛瀑布層岫列香几

時有潮水往來

禱雨輒應前志

遇緣寺

在四十二都僧照朗任持前志

蓮塘院

在萬全鄉宋大聖間建前志

蓮花殿

在歸仁鄉僧蘊寧任持前志

延壽寺

在歸仁鄉前志

永崇殿

遇春杭頭渡祀張令公像前志



報恩堂

在二十五都住持  
僧瑞安顯空前志

巖嶺峯

在古港口  
後前志

桃花寺

在玉亭鄉宋景  
德間建通志

黃楊廟

在歸仁鄉僧正  
宗重修前志

道人山

在歸仁  
鄉前志

靈範院

在玉亭鄉宋景  
德中建前志

石佛院

在歸仁鄉僧松  
嶺重修前志

繞林廟

在歸仁鄉奉  
龐元帥前志

傳賢院

康熙二十年僧  
成我建前志

太平廟

在縣治南新政鄉  
久廢基存前志

沙塘廟

在縣西二十  
里今廢前志

方勝峯寺

在縣北五十里僧  
永超募建前志

五龍菴

在方勝峯下  
今廢前志

迴龍峯寺

在縣北六  
十里廢

龍山院

在招賢鄉宋開寶  
間立今廢前志

草衣寺

在南巖有唐  
權德輿碑廢

龍福菴

在玉亭鄉宋大觀  
中立今廢前志

西林院

在永年鄉宋  
元豐中立廢

方外 寺觀



八角院

在孝誠鄉梁天監中立廢

安毅院

在永年鄉宋大觀中立廢

洞林院

在招賢鄉梁天監中立廢

長湖院

在太平鄉宋寶祐中立廢

後溪院

在孝誠鄉梁天監中立廢

古巖院

在新政鄉唐大中間立廢

藍溪院

在孝誠鄉今廢

新興院

在孝誠鄉廢

新山院

在萬全鄉今廢

中山院

在歸仁鄉廢

寶福院

在新政鄉廢

西林院

在玉亭鄉廢

龍安院

在歸仁鄉廢

遂湖院

在萬全鄉廢

再興院

在萬全鄉廢

桃源院

在招賢鄉廢

玳湖院

在玉亭鄉廢

龍壽院

在永年鄉廢



永寧院

在歸仁鄉廢

能仁院

在新政鄉廢

城頭院

在永年鄉久廢

超化院

在招賢鄉廢

瑞雲院

在歸仁鄉廢

抱山寺

在萬金鄉廢

大源院

在新政鄉中開立廢

龍潭寺

在古港路東廢

興龍菴

在縣西十里徐濬施基廢前志

紹龍寺

在二十四都康熙年中僧見空創建郡守周邑侯何俱有匾前志

白石峯寺

在二十七都徐氏施寺建立已久萬歷間里人徐重易等延僧智觀創佛殿二區後僧載川同

欽鑑朗鑑益加恢擴前志

青雲菴

在二十都僧學文道光惠振重建前志

天后宮

在城內塔前嶺乾隆十三年閩人創建前志

葛仙觀

在搗藥山葛仙煉丹處唐天寶七載勅建壇左有喬公篆跡煉丹竈及仙橋諸勝通志僧曉明重脩

按李棟有記謂為費長房竹杖化龍處長房無仙翁之名漢書方術傳載長房汝南人葛陂在今新蔡西

北非弋地也前志為立傳不經甚矣故并李棟記削之為辨其誤

開元觀

在永平鄉元至正間立府志



靈陽觀

在縣治北明洪武間建通志前府志載晉咸康疑誤

非此少與也前志載立於不詳

此亦前志遺誤其詳見前志

此亦前志遺誤其詳見前志

此亦前志遺誤其詳見前志

此亦前志遺誤其詳見前志

此亦前志遺誤其詳見前志

此亦前志遺誤其詳見前志

此亦前志遺誤其詳見前志

弋陽縣志

卷十三

雜記

詭文譎諫或談言而微中末流汎濫搜神志怪甚且

褻狎鄙猥出於床第諷一而勸百君子以為不如其

已也芻蕘之言採而擇之為吉光為玉屑志乘所貴

良在於茲豈以別錄異書矜淹雅哉

唐人李華有寄趙七御詩自序自餘千谿行經弋陽至上

饒山川幽而思與雲卿同遊邈不可得云詩云搖漿曙江

流江清山復重心愜賞未足川迴失前峯凌灘出極浦曠



若天地通軍陽青嵯峨開拆混元中九潭魚龍窟仙成羽  
人宮陰奧潛鬼物精光動煙空赤猿啼深隴白鳥戲慈蒙  
飛湍鳴金石激溜鼓雷風雨濯萬木鮮霞照千山濃草開  
長餘綠花靜落幽紅渚煙見長釣山月聞夜春覆谿窈窕  
波涵石洶溶溶丹邱忽聚散素壁相奔衝白日破昏靄靈  
山出其東勢排昊蒼上氣壓吳越雄回頭望雲鄉此恨發  
吾衷其言我信之境甚似家楚越以竹村深者為瀧又有  
曲遊寺詩自序有龍潭穴弄玉寺詩云捨事人樵徑雲木  
深谷口萬壑移晦明千峯轉前後巖然龍潭上石勢若奔

走開拆秋天崩騰缺夏龍吼靈谿自茲土紆直互紛糾聽  
聲靜復喧望色更無有冥冥翠微下高殿映杉柳滴滴洞  
穴中懸泉響相扣昔時秦王女羽化年代久日暮松風來  
蕭聲生左右早窺神仙錄願結芝木友安得羨門方青囊  
繫吾肘

前志

耳

按李華趙郡人與蕭穎士相善又信州郡城十里有  
龍潭而上二十里有靈溪但不知弄玉寺何以在此  
楊文公之生也其胞廕始脫則見兩鶴翅交掩塊物而蠕



動其母密令急棄諸溪流始出戶而祖母迎見亟起視之則兩翅歟開中有玉嬰轉仄而啼舉家驚異非常器也余宣和間於其五世孫德裕家見其八九歲時病起謝郡官一啟屬對用事如老書生而筆蹟則童穉也

宋何遵春  
清紀聞

宋楊億畫寐玉堂忽夢一道士稱懷玉山人袖出一牒曰內翰加官闋其上草寫三十七字億曰非數乎道士微笑

歸田錄

億曰許漆乎道士首肯命筆加點至四十七果卒

陳康伯字長卿信之弋陽人也

宋史

康伯工筆札其蹟雜見

書史會要

陳康伯字長卿宣和進士體貌魁梧劉叔信相之曰公行敦厚四水相朝虎步鐘聲望之如神腰勝中有紫痣

如日月之狀後果拜相封公卒諡文正

人鑑篇

理宗寶慶二年建昭勳崇德閣趙韓王普以下二十四人

皆圖形其上陳康伯與焉

前志

弋陽嶺上多密巖宋元嘉中有人見巖內三鐵鑊各容

百斛生蓮花人往尋不知所在

晉劉澄之  
鄱陽記

李奎鎮守真定時修築城池三十二處起集丁壯操練備不虞蒙白金文綺之賜過沙河肥鄉見唐相宋璟宋



李沈墓皆崩毀檄所司修之

前志

正統三年冬榜葛刺國貢麒麟李奎為賦以獻

前志

姜綰令景陵時會遣中貴降香於太和山所過騷動綰當  
迂於乾溪預戒挽船卒曰若輩謹持緹以待聞吾呼聲則  
速進亡何中貴舟至綰以禮見中貴驕蹇出嫚語綰徐徐  
以邑小民貧為言而酒饌已畢陳中貴方就坐綰即大呼  
口去諸卒應聲疾趨一邪許間舟過邑治遠矣中貴倉卒  
不能止遂視他邑省費數百金

舊志

弋北謝源有井號北泉其井泉甘冽冬溫夏冷味為諸水

最內監石笋二璘珣可愛村居士人有腐鶚薦登葉榜者

前數月即聞井內鼓吹聲鏗鏘不絕歷驗勿爽

舊志

寶峯鎮有金紫世家匾額係唐天祐庚午觀察使李鼎調  
書為太子太保俞鎮鮮立每遇火災焚燬宅舍其匾必先

期墜地故歷千餘年猶端好如故

舊志

鄭齡幼年讀書館旁古樹空隙有鳥各啄木者巢處於上

齡戲將石塊塞其竇密從窻罅中窺之鳥至以嘴畫石

即碎裂脫落如此者數次效而試之果驗後出仕佐

叛命奉詔出征苗敗退保洞中擡巨石填其洞口



能入此苗之所恃以負固也齡追至亦以此術

果裂大破蠻洞苗亂遂平因以軍功陞都堂之

信州弋陽縣海棠滿山村人至并花伐以為薪

二潭仙姑據舊志天師張仲常入建國醮奏聞勅封云

考龍虎山天師世家並無張仲常之名止有第四十二代

天師諱正常字仲紀生於元末至正乙巳應明太祖之聘

至金陵吳元年上牋勸進洪武元年授正一教元醮漢

四十二代護國闡祖通誠崇道宏 真人領道

給銀印視正二品二年奉命通誠

袞冕服視署名於章勅太常設樂手授於真人碑

之據此則二仙姑受封事在洪武時也仲常乃正

又據邑孝廉李調鼎作孫侯禱雨文則云嘉靖間張

從上祠二子見靈云云考嘉靖時真人名彥頽孝廉不謬

也舊志

謝琛將誕時其父與一星士相友善及公生前日星士先

一口辭別遠遊公父遣人追及以所生時日推算之坐士

即批錄云好申日好申時異日必定拜丹墀丈夫

邪劍鄧公橋上斬妖狸公父亦不甚解及公成進士



御史有直聲轉陞兵備副使回朝復命夜當月色澄  
獨佩劍徘徊鄧公橋上驀然見妖狸軼出公昂藏拔劍  
之前  
志

黃湔在寶應築土石二堤支河工銀四萬餘兩鎔銖磨  
上下皆不得欺積勞溼血偶謁所司於水次其人惡之令  
人密掣其板墜水死而復甦掖入城三日而絕時為萬曆  
七年六月初二日年五十八在嘉興管理海塘之役採石  
湖州徒步出入慰勞夫匠備極勤苦運石甲首以卮酒勞  
之人人感激  
見明通志悞紀為上饒人

明天順時薊溪有吳姓諱立者宦於朝過家修其祖墓得  
石銘刻置諸祠銘為宋咸淳乙丑子元廣立內載弋陽  
士方升龍其孫壻也由是觀之弋之科第人物軼於志  
者多矣  
舊志

弋陽江岸有石塔七級約高八九仞其頂約高四尺  
一樹幹似拱把杪白頂罇出髮鬚蒼蒼直逼蔚藍土  
每歲左右迭為榮枯榮則秋冬不彫春乃代謝  
買願千金購樹千金修塔邑人士執不可買  
未稱其名蓋傳疑久矣至今無識者吾聞而



空桑夜郎王出浮竹徐偃王出棄卵可以爲不經說託注  
於奇絕之處其來也無始其成也無終人或惜去選買之  
知用未顯而名未彰吾則甚幸夫未言所用未稱其名  
以致虛守寂依然混沌之天鴻濛之世也其左右迭爲榮  
枯也物情忌滿天道好還則陰陽一氣之自爲闔闢盈虛  
也故榮能不彫而枯能不死

萬年令李繼聖記

西鄉曹溪汪某於瑞洪買一婢抵家有一女以水與  
婢同卧起自稱梅姑凡中饋織紉之事與婢杜少靈  
呼其名應諾顧不見其形一日與婢訣曰距十許由

我居也需肩輿乃得往許之輿人舁之甚重隱隱悲啼行  
路皆聞其聲至其山則寂然矣

芳墩吳氏某大產數子其僕攜去溺諸河歸而烹之犬躡  
其後親見其狀號叫酸悲以頭觸柱而死村婦曰犬猶愛  
其子况於人乎溺女之風漸熄焉

張世璿業醫施丸藥活人雍正癸卯一日雞鳴起見閉天  
門紅雲絢彩上若有二人似門神嗣是家業漸豐時未舉  
子赴鳴山祈夢夢僕從前呼後一朝冠葛帶人呼璿名曰  
汝欲子乎璿諾之子二何如璿曰可又問二子當少有異



同否瘖日不願異也問從者適何人答曰天曹掌生人時日官也夢覺已不自信語諸人更以爲誕是年長子鶴琴生越癸丑幼子書紳生鶴琴庚申係癸卯甲子癸丑壬戌書紳則癸丑甲子癸卯壬戌

謝家樹父珽有辜壽生傭工十數年娶妻珽資助之給宅以居後舉一子而辜故珽復恤其孤乾隆戊午家樹鄉試三場繕卷畢見辜掀簾告曰吾已將郎君卷呈闈君許入殼矣家樹驚避之榜放得雋家樹赴會城中途遇弋令問訊本房何人曰闈君家樹始驚悟晉謁闈君問曰生家固

有陰德乎吾閱生卷已置後幅假寐卷復首列呈薦果得

中噫辜傭固非識字者乃亦能爲功於揚崖異哉

五雲館錄

汪仲端一日客外歸至黃沙港喚渡有相士隔河聞其聲

嘆曰此侍郎也及覩面曰死侍郎耳歿後薦其孫文莊公

誥贈

五雲館錄

謝景新每於季冬施絮歲除絮已盡散有丐叩門求絮形穢惡景新以所服舊襖給之又丐米肉俱給之復以借宿爲請家人叱之景新曰除夕也舍之側舍元旦探之門戶皆閉惟米跡由戶而出命家人尾其跡直抵近里金山見



米聚於山大畫吉地二字家人歸告景新設卽葬其處孫  
會琛瑤啟蒙等連登科甲至今傳爲異事五雲館錄  
景陵劉臨孫順治辛卯春宿戚友家夢見一偉人烏紗絳  
服手刺書治字入見稱劉父母覺而異之從近山斷碣得  
方梁姓名或曰此方公令景陵時額某官墓道也述夢同  
遊後劉成進士果宰弋陽讀志乘見方列傳班班可考訪  
其後裔得公遺像與夢中所見無異撰文祭其墓

吳之與忠厚力田遇相士相之曰子壽止五十辛亥冬饑  
輿出所有設粥通衢用一曰春米一曰春薑來者先與薑

下有蛇長二丈色赤如丹旋開一局廣可二十畝從西

隅入溪至今形跡顯然以赤蛇名其庄

前志

黃綰政治清簡見胥吏多暇日課以小學書晨夕講誦

臨行或贈以詩曰民當教後渾無訟吏到閒時也讀書

從征繼將軍會討岑濬三司分哨六路進兵諸哨斬首

以千計繼綰一路專專招撫使前驅諭曰朝廷所討惟

濬一人於是所過諸寨皆望風納款至舊城濬弟漢先已

聽招計誘族父鋌斬濬首以獻綰卽解圍移營順山遺書

將軍令趨班師以絕妄殺因賦詩曰白愧監儒非將種可



方學孔性極孝年十九讀書桐溪四夏月朗聞窗外有人  
 吟曰八年春夢杳二六度生門暫了三三願長銷六六魂  
 出探之聲從墻下起逐之隨滅驚懼成疾無懈入年恐重  
 父母憂強起侍立不作病情容垂危夢笑至一處光閃閃  
 射目睜視之有度生門三金字門立二巨魁張口露牙欲  
 噬人方畏避欲脫巨魁掖以入曲折透重門推跪墻下上  
 坐冠冕旒者曰子年二十六冥數定矣哭叩再四以親老  
 無子請土坐者命吏查簿默然久之隨舉筆二字上加一  
 畫下二行亦畧點撥命侍者速驅之去方出覓騎馬逸不

能止掀方池中濡首沒泥急呼救注目四視則父母妻  
 環泣於前扶起坐話前事始知度生門所歷為冥府也  
 漸愈連產二子三十三入泮三十六而卒聞者莫不驚  
 信有冥數抑知窗外詩早操左券也亦奇矣哉  
 奚文章五齡就學七歲能文八歲見知於邑令楊甚器  
 之適欽差唐按臨縣治楊為力薦面試藝成擊節稱賞送  
 學補弟子員惜年十四而殤

五雲館錄

前志





陽明先生遺集卷之十四補遺

陽明先生遺集卷之十四補遺

陽明先生遺集卷之十四補遺

陽明先生遺集卷之十四補遺

陽明先生遺集卷之十四補遺

陽明先生遺集卷之十四補遺

陽明先生遺集卷之十四補遺

